



Indgået

14 FEB. 2018

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Inatsisartunut ilaasortaq Laura Táunâjik, Siumut

E-mailikkut nassiunneqarpoq: inatsisartut@inatsisartut.gl

08-02-2018
Sagsnr. 2018 - 3365

**§37 naapertorlugu apeqquteqaammut nr. 2018-36-mut akissut Islandimik
niueqateqarneq aamma Tunumi akit pillugit**

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Inatsisartut Suleriaasianni § 37 naapertorlugu Islandimik niueqateqarneq pillugu Naalakkersuisunut apeqquteqaateqarsimavutit. Apeqqutigisatit uannit akisassanngorlugit innersuunneqarput, ataanilu takuneqarsinnaallutik.

Apeqqut 1:

Islandimiit Niuernikkut ineriartortitsineq Naalakkersuisup siulittaasuata ukiortaami oqaaseqaataani ilanngunneqartoq qanoq sunillu tunngasunik imaqarpa?

Akissut:

Namminiilivinnermut, Nunanut allanut Nunalerinermullu Naalakkersuisoqarfiup akissummut ilanngussaminni nalunaarutigaa Reykjavikimi kalaallit aallartitaqarfiannik pilersitsinissamut Naalakkersuisut 2018-imut aningaasanut inatsimmi 3 mio kr. immikkoortissimagaat. Reykjavikimi kalaallit aallartitaqarfiannik pilersitsinermi siunertaavoq Nunatta aamma Islandip akornanni politikikkut niuernikkullu atassuteqarnermik nukittorsaanissaq.

Tamanna ilutigalugu nunat avannarliit killiit niueqatigiinnikkut isumaqatigiissuteqarnissaat pillugu isumaqatiginninniarnert ingerlanneqarput, taamaattullu aamma Nunatta Islandillu akornanni niuernikkut suleqatigiinnerit nukittorsassavaa.

Tamatuma saniatigut Naalakkersuisut suliaqarfiit arlaqartut iluanni nunat akornanni niuernikkut attuumassuteqarfiit nukittorsarniarlugit ataavartumik sulissutiguarpai. Naalakkersuisut takornariaqarneq pillugu 2016-2020-mut pilersaarusiaat "Takornariartitsinermik Kalaallit Nunaanni ineriartortitsineq – Suut iliuusaasariaqarpat?", Islandimi aammalu nunani Islandimut takornariartitsisartuni annertunerusumik nittarsaassisoqartariaqarnera pillugu immikkut innersuussitigineqarpoq. Tamatuma saniatigut Visit Greenlandip akissummut ilanngussaminni nalunaarutigaa kalaallit aamma islandimiut takornarialerisartuisa akornanni ornitassat taakku marluk angalaffissatut ataatsimut aaqqissuuteriikkatut meqqiliarinissaa pillugu ajunngitsumik suleqatigiittoqartoq.

Apeqqu 2:

Island-miit Tasiilamut niuernikkut imaatigut assartuussineq eqqarsaatigalugu Naalakkersu-isut qanimut tassunga tunngasunik pilersaarutinik aaqqissuussilersaanngillat ?

Akissut:

Apeqqutip tamatuma akinissaanut Royal Arctic Line tamanna pillugu qanoq pilersaaruteqarnersoq paasiniarlugu Kommunit, Nunaqarfinnut, Isorliunerusunut, Attaveqatigiinnermut Ineqarnermullu Naalakkersuisoqarfimmit akissutissamik piniarsimavugut. Akissutaat matuma ataani takuneqarsinnaavoq.

”Aap, umiarsuit 2150 TEU nutaat 2019-imi tigugutsigit Tunup pitsaannerusumik pilersorneqalernissaa pilersaarutigineqarpoq. Umiarsuit taakku tiguneqareerpata Kalaallit Nunaannit Danmarkiliarnerminni amma Danmarkimiit Kalaallit Nunaaliarnerminni Reykjavik aqqusaartassavaat.

Maannakkut takorloorneqarpoq Tasiilaq aamma Ittoqqortoormiit umiarsuarmik pilersuisumik tikinneqartassasoq Tasiilamut aamma Ittoqqortoormiit ingerlaalinninnermini Reykjavik aqqusaqqartassagaa.

Qulaani eqqaaneqartut 2019-2020-mut angalanissamut pilersaarusanut pingaarnernut ilaatinneqassapput - angalanissamut pilersaarutit sulii naammassineqanngitsut matumani pineqarput.”

Apeqqu 3:

Nioqqutissamik niueqatigiinnikkut periarfissat Island – Tasiilaq annertusarneqarnissaanik akikinnerusumillu nioqqutissat akiannik appartitsisinnaaneq Naalakkersuisut misissuiffigisimanerpaat?

Akissut:

Tasiilami akikinnerusumik nioqquteqalernissamut periarfissat qulaajarniarlugit KNI A/S-imit akissummik piniarsimavugut. Akissummini KNI A/S-ip ilaatigut nalunaarutigaa:

”Akit inissittarneri pillugit KNI nioqqutissat umiarsuakkt tikisinneqartut nalinginnaasumik akeqartinnerat assigiimmumt inissinneqartarnissaanik politikkeqarpugut, pisiniarfiutitsinni tamani. Illoqarfinni 4-ni unammillerteqarfiusuni nioqqutissat ikittut pisiniarfiutitta sinnerinut naleqqiullugit akikinnerupput. Taamaatsipparput sumiiffinni unammillersinnaaneq eqqarsaatigalugu.

Tunu pillugu ullumikkut ukiutillugu nioqqutissat timmisartukkt nassiussortarpagut. Islandimi pilersuisumik isumaqatigiissutigisarpugut tassaavoq timmisartoq taamaatiinnarneqaraangat nioqqutissat tunniunneqarsimasut Reykjavikimi utertissinnaagigut.

Nioqqutissat timmisartukkt Danmarkimiit Tunumut nassiussat Kangerlussuaq/Nuuk aqqusaartussaavaat, tassuunakkullu taamaatitseratarsinnaaneq Reykjavikimut naleqqiullugu annertuneruvoq. Nioqqutissat Danmarkimit avammumt nassiunneqareersimasut pilersuisumut utertissinnaanngilagut.

Misilittakkatta takutippaat Islandimi pisiniarnermi akit allani pisiniarfigisartakkatta akiinit akikinnerunngitsut. Nioqqutissat amerlanerit Islandimut eqqussuunneqartarput, taamaalillunilu nioqqutissanut ingerlateqqitanut akitsorsaataalersarluni. Nioqqutissat Islandimi nioqqutissiarineqartartut (immuliorfimmi nioqqutissiat, paarnat, naatitat assigisaallu) amerlanertigut aamma allani pisiniarfinnut naleqqiullugit akisunerusarput.

Naak Island Tasiilamut qanikkaluartoq – aamma assersuutigalugu Danmarkimut naleqqiullugu Kalaallit Nunaannut qaninnerugaluartoq – umiarsuarmik pilersuineri aningaasartuutit ataatsimut katinnerat annertuneruvoq Aalborgimeersumut naleqqiullugu.

Kbm/kg-mut nassiussat akii assigiippat kisianni Aalborgimi passussinermut aningaasartuutit nassiussanut nalinginnaasunut kbm-imut kr. 181,00-iupput taavalu nerummasserlugit nassiussanut kbm-imut kr. 289,00-iullutik, Reykjavikimilu tamakkununga aningaasartuutaasut tassaallutik kbm-imut kr. 307,00 aamma kbm-imut kr. 486,00.

Apeqqummut tulliusoq 3.1:

Taamaangippat misissuinissamik Naalakkersuisut soqutiginnillutik aallartikkusun-ngillat?

Akissut:

Apeqqummut 3-mut akissut innersuunneqarpoq.

Apeqqummut tulliusoq I 3.2:

Taamaappat pilersaarutit qanoq ingerlappat? Qaqugu aallartinneqarnissaat naatsorsuu-tigineqarpat?

Akissut:

Apeqqummut 3-mut akissut innersuunneqarpoq.

Inussiarnersumik inuulluaqqusillunga


Hans Enoksen